

- 50 Corporis es nostro tali tunc dignus honore
Iudicio, qualem suffit tibi fama per orbem.
Comis amate diu, doctor dulcissime, fandi
Rethorici cultus lumen, tibi quid loquar apte?
En sine te mihi conditum penitus sale nil fit.
- 55 Stat nam quid cuiquam facere absque iuuamine stultum
Mentis, quo geminę surgit perfectio uite.
Aggrediar siquidem celsum conscendere montem,
Nomine qui diuo fatiem propior sit Olympo,
Oris et in zephyrum laxentur concaua densum,
- 60 Inde tui capiant aliquid quo flaminis aequi,
Ut mihi materies de te sit sermoque per te.
Eia cara chelis, protelans uocibus aptis,
Carmina pange uiro morum probitate colendo,
Sola Soffocleo quę sint condigna coturno
- 65 Hunc deus elegit, propria quoque dote beatus, pango.
Ut ualidi nobis sit uerbi misteriarches
Solus et in terris alter prostet Benedictus.
Qui bene grammineis paradisi uiuit in actis
Indigitans domui regem proprię fore caeli
- 70 Te lumen uere meritorum nobilitate.
Es, fateor, comis, morum probitate celebris.
Mente superna tenes, mundo bonitate renides,
Hic probitatis honos, illic uenerabilis heros.
Te celebrant cosmi per climata quique triquadri,
- 75 Maxime Remigii tuguri fratres tibi fidi.
Armis iustitię fretus quos atque sophię
Desmate amicalis iunxisti letus amoris.
Te patribus famulum prebensque minoribus aequum,
His faties hilarem, his et testatur herilem.
- 80 Et paries uno sic surgit uterque lapillo,
Cingi quo petimus, fiat hoc simul efflagitamus.
Quis tam cynifię mentis fuit atque sinistrę,
Ut post felicem per secula semper amorem
Facundumque tuum te nollet habere patronum
- 85 Ac semper socium, dominum et sine limite iustum.
Es Christo carus, cuncto populo uenerandus,
Vultu conspicuus, mentis pietate decorus,
Luminibus geminis sub frontis tegmine fixis,
Nubila ceu caeli radiis solis decorantur.
- 90 Iustitię speculum, necnon psalmatio regum,
Lumen doctorum, decus et specimen monachorum,

v. 58 fatiē Hs. v. 64 suffocleo Hs. vgl. Verg. Ecl. VIII, 10:
sola Sophocleo tua carmina digna cothurno? v. 65 proprio Hs. v. 66 si
uerbi misteri archesi Hs. v. 69 Inditans Hs. v. 72 renides uel renites
Hs. v. 74 quinque? v. 76 iustię Hs.